

右件野可禁制之狀代々先帝降綸旨重疊下知已訖右大臣宣奉勅如聞鷹鷄滿野佃獵無度州吏寬容禁制遏絕爲吏之道何其如此宜加捉搦不得重然尙有乖越科違勅罪若有不憚此制輒以闖入者五位已上取名奏聞六位已下依例禁固但無賴之輩寄事守野奪取百姓鎌斧以妨樵蘇之類國司量意任以決罰宜路頭條示明令曉告差掾已上一人令檢勾其事

貞觀二年十月廿一日

太政官符

禁制國司并諸人養鷹鷄及狩禁野事

右被右大臣宣俯奉勅貢御鷹鷄從停止及不應下飼樸網捕等鷹之狀元年八月十三日下知既畢誠欲好生之德發惡殺之心上下慈仁中外禔福今聞或國司等多養鷹鷄尙好殺生放以獵徒縱橫部內強取民馬乘騎駢馳疲極則弃不歸其主黎庶由其悲吟農耕爲之闕怠苟忘朝寄豈當如斯自今以後此事有聞則責以違勅解却見任又罷殺生之遊故施禁野之制而今或聞輕狡無賴之輩私自入狩以擅場鳥窮民苦更倍昔日國司聞見無心亂察並非國家之宿懷何其未思之甚矣宜嚴加制莫令重然有不聽從五位以上錄名言上六位以下登時決罰但百姓樵蘇任意莫禁若有致乖違歸罪國司

貞觀五年三月十五日

〔三代實錄四十二〕元慶六年十二月廿一日己未勅山城國葛野郡嵯峨野元既不制今新加禁樵夫牧

豎之外莫聽放鷹追兔同郡北野愛宕郡栗栖野紀伊郡芹川野木幡野乙訓郡大原野長岡村久世郡栗前野美豆野奈良野宇治郡下田野綴熹郡田原野天長年中既禁從禽今重制斷山川之利斂澤之生與民共之莫妨農業但至于北野不在此限也大和國山邊郡都介野天長承和累代立制今宜加禁莫令縱獵制拂禽鳥許採草木美濃國不破安八兩郡野本自禁制永爲藏人所獵野播磨國賀古郡野印南郡今出原印南野神埼郡北河添野前河原賀茂郡宮來河原爾可支河原先既有制今重禁斷嘉